



## **GRAD TUZLA**

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzla („Službeni glasnik Grada Tuzla“, broj: 2/19) i tačke 6. Programa o utrošku sredstava iz Budžeta Grada Tuzla namjenjenih za novčanu podršku privrednim subjektima koji upošljavaju osobe iz ranjivih kategorija u 2019. godini, broj: 04-933/19 od 28.11.2019. godine, Služba za ekonomski razvoj, poduzetništvo i poljoprivredu Grada Tuzla, dana 29.11.2019.godine, objavljuje:

### **JAVNI POZIV**

**za učešće u Programu utroška sredstava iz Budžeta Grada Tuzla namjenjenih za novčanu podršku privrednim subjektima koji upošljavaju osobe iz ranjivih kategorija u 2019. godini**

#### **I - Predmet Javnog poziva**

Javnim pozivom prikupljaju se prijave privrednih subjekata (registrovanih fizičkih i pravnih lica) koji u 2019. godini upošljavaju nezaposlene osobe iz Tuzle, koje se vode u evidenciji Biroa za zapošljavanje Tuzla, a koje pripadaju nekoj od ranjivih kategorija građana i teže zapošljivih osoba.

Ranjivim i teže zapošljivim osobama, u smislu ovog Javnog poziva, a koje su definisane Programom utroška sredstava iz Budžeta Grada Tuzla namjenjenih za novčanu podršku privrednim subjektima koji upošljavaju osobe iz ranjivih kategorija u 2019. godini, broj: 04-933/19 od 28.11.2019. godine, smatraju se sljedeće nezaposlene osobe iz Tuzle: osobe sa invaliditetom 60% i više, pripadnici manjinskih grupa (Romi), osobe starije od 18 godina koje su bile pod institucionalnom skrbi JU Dom za nezbrinutu djecu ili SOS dječijeg sela, žene žrtve nasilja u porodici, osobe mlađe od 35 godina i osobe starije od 55 godina.

#### **II – Iznos novčane podrške**

1. Za raspodjelu putem ovog Javnog poziva raspoloživa su sredstava u iznosu od 79.600,00 KM (sedamdesetdevehiljadašeststotina KM) na poziciji: “Grant za aktivnu politiku zapošljavanja”, u Budžetu Grada Tuzle za 2019. godinu.
2. Novčana podrška putem ovog Javnog poziva može se ostvariti za upošljavanje samo (1) jedne osobe iz kategorije građana navedenih u tački I ovog Javnog poziva.
3. Novčana podrška po (1) jednoj zaposlenoj osobi iznosi 2.300,00 KM (dvijehiljadetrístotine KM), a namjenjena je za refundiranje troškova obaveznih doprinosa za PiO i zdravstveno osiguranje i osiguranje od nezaposlenosti i drugih troškova u vezi ugovora o radu.

### **III - Pravo učešća**

Pravo prijave za dodjelu sredstava putem ovog Javnog poziva mogu ostvariti registrovani privredni subjekti koji obavljaju djelatnost na području grada Tuzle, a koji su u 2019. godini zaposlili ili će do kraja 2019. godine zaposliti osobu koja pripada ranjivoj kategoriji građana u smislu tačke I ovog Javnog poziva.

### **IV- U ovom javnom pozivu ne mogu učestvovati**

Podnosioci prijave će biti isključeni iz učešća u pozivu ili iz dodjeljivanja sredstava novčane podrške, ukoliko su u trenutku raspisivanja Javnog poziva:

- krivi za davanje lažnih informacija u prijavnom obrascu i /ili izjavi, koje su preduslov za učestvovanje u pozivu za novčanu podršku ili ako nisu dostavili potrebne informacije;
- ukoliko su u posljednjih šest mjeseci od raspisivanja javnog poziva otpuštali radnike, izuzev u slučaju smrti radnika, odlaska u penziju radnika, u slučaju otkaza radnika kao rezultat vođenja disciplinskog postupka ili sporazumnog raskida radnog odnosa,
- nisu uredno ispunili obaveze iz sklopljenih ugovora o odobravanju novčane podrške iz sredstava Budžeta Grada Tuzle u prethodnoj godini,
- ukoliko imaju status javne ustanove ili javnog preduzeća, ili se radi o privrednom subjektu u vlasništvu ili suvlasništvu bilo kojeg nivoa vlasti u BiH.

### **V - Način prijavljivanja**

Prijave na Javni poziv podnose se na prijavnim obrascu koji propisuje Služba za ekonomski razvoj, poduzetništvo i poljoprivredu Grada Tuzla koji će se moći preuzeti sa zvanične internet stranice Grada Tuzle ([www.grad.tuzla.ba](http://www.grad.tuzla.ba)) i u Centru za pružanje usluga građanima (šalter sala Grada Tuzle).

Uz popunjen prijavni obrazac, podnosilac prijave obavezan je dostaviti sljedeću dokumentaciju:

- dokaz o registraciji poslovne djelatnosti na području grada Tuzle (rješenje suda ili nadležnog organ grada Tuzle),
- obavijest o razvrstavanju prema djelatnosti izdata od Zavoda za statistiku,
- broj računa u poslovnoj banci na koji će sredstva biti uplaćena,
- karton deponovanih potpisa osoba ovlaštenih za zastupanje,
- dokaz o izmirenim poreznim i obavezama po osnovu javnih prihoda (Uvjerenje nadležne Porezne uprave ne starije od 30 dana od dana prijave na javni poziv),
- dokaz o izmirenim obavezama po osnovu indirektnih poreza (Uvjerenje nadležne Uprave za indirektno oporezivanje ne starije od 30 dana od dana prijave na javni poziv),
- dokaz da se osoba koju namjerava zaposliti u 2019. godini nalazi na evidenciji Biroa za zapošljavanje Tuzla, ili ukoliko se radi o osobi zaposlenoj u toku 2019. godine dokaz da je prije zapošljavanja bila na evidenciji Biroa za zapošljavanje Tuzla,
- lista osiguranih lica koja uključuje i odjavljena lica izdata od Porezne uprave Tuzla, ne starije od 30 dana od dana prijave na javni poziv,

- dokaz da se protiv privrednog subjekta ne vodi krivični postupak, (Uvjerenje nadležnog suda ne starije od 30 dana od dana prijave na javni poziv),
- dokaz da se protiv odgovornog lica privrednog subjekta/vlasnika samostalne djelatnosti ne vodi krivični postupak, (Uvjerenje nadležnog suda ne starije od 30 dana od dana prijave na javni poziv),
- dokaz da odgovorno lice privrednog subjekta/vlasnik samostalne djelatnosti nije pravosnažno osuđeno za prekršaj i/ili počinjenje krivičnog djela, (Uvjerenje nadležnog suda ili MUP-a, ne starije od 30 dana od dana prijave na javni poziv),
- dokaz da nezaposlenu osobu koja pripada nekoj od ranjivih kategorija iz tačke I ovog Javnog poziva ima namjeru uposliti (ovjereni izjava), ili ukoliko je već uposlio u tekućoj 2019. godini po osnovu ugovora o radu na neodređeno vrijeme ili na određeno vrijeme sa rokom zapošljavanja, u trajanju od najmanje devet mjeseci (kopija ugovora o radu i prijava nadležnoj Poreznoj upravi),
- obrazac izjave ovjeren u Centru za pružanje usluga građanima (Šalter sala Grada Tuzla) ili kod notara (obrazac Izjave je sastavni dio Prijavnog obrasca).

Također, uz prijavni obrazac je potrebno dostaviti i dokaz da osoba koju je privredni subjekt zaposlio ili namjerava zaposliti u 2019. godini pripada nekoj od ranjivih kategorija iz tačke I ovog Javnog poziva, zavisno od kategorije, tako da:

- za osobu sa 60% ili više invaliditeta, kao dokaz priložiti rješenje, ili nalaz i mišljenje nadležnog organa ili komisije koja utvrđuje invaliditet, ili
- za osobu koja je pripadnik manjinske grupe (Romi), kao dokaz priložiti ovjereni izjavu te osobe o pripadnosti navedenoj manjinskoj grupi, ili
- za osobu stariju od 18 godina, koja je bila pod institucionalnom skrbi JU „Dom za djecu bez roditeljskog staranja“, ili SOS dječijeg sela, kao dokaz priložiti potvrdu od JU „Dom za djecu bez roditeljskog staranja“ Tuzla ili uprave SOS sela, da se radi o njihovom štíćeniku, ili
- za žene žrtve nasilja u porodici, kao dokaz dostaviti potvrdu JU Centar za socijalni rad Tuzla ili potvrdu UG Viva žene Tuzla, ili
- za osobu mlađu od 35 godina i osobu stariju od 55 godina, kao dokaz priložiti rodni list.
- lista za provjeru.

Dokumentacija se dostavlja u originalu ili ovjerenj kopiji.

## **VI – Provjera prijava**

Postupak dodjele sredstava za novčanu podršku privrednim subjektima provodi Komisija za ocjenu prijava koju imenuje Pomoćnik gradonačelnika za Službu za ekonomski razvoj, poduzetništvo i poljoprivredu. Komisiju čine predsjednik i dva (2) člana. Rješenjem o imenovanju Komisije za ocjenu prijava odredit će se po jedan zamjenski član za svakog člana Komisije. Sastav Komisije za ocjenu prijava čine: dva uposlenika Službe za ekonomski razvoj, poduzetništvo i poljoprivredu i jedan predstavnik Udruženja samostalnih obrtnika ili Savjeta Gradonačelnika za lokalni ekonomski razvoj.

Po okončanju formalne provjere zaprimljenih prijava, Komisija vrši ocjenjivanje istih o čemu sačinjava zapisnik i listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva, kao i privredne subjekte koji nisu ispunili uslove javnog

poziva sa naznakom koji uslov nije ispunjen. Nakon okončanja postupka Komisija sačinjava izvještaj o radu koji zajedno sa listom o odabiru korisnika i iznosom novčane podrške dostavlja Pomoćniku gradonačelniku za Službu za ekonomski razvoj, poduzetništvo i poljoprivredu.

Na osnovu izvještaja o radu Komisije i liste o odabiru korisnika Pomoćnik gradonačelnika za Službu za ekonomski razvoj, poduzetništvo i poljoprivredu donosi program raspodjele sredstava.

Program raspodjele sredstava bit će objavljen na internet stranici Grada Tuzle ([www.grad.tuzla.ba](http://www.grad.tuzla.ba)) i na oglasnoj ploči Grada Tuzle.

Detaljni uslovi korištenja dodijeljenih sredstava regulisat će se ugovorom o dodjeli sredstava koji se sklapa između Službe za ekonomski razvoj, poduzetništvo i poljoprivredu s jedne strane i korisnika sredstava s druge strane.

Prije potpisivanja ugovora korisnik dodijeljenih sredstava mora dostaviti ugovor o radu i prijavu nadležnoj Poreznoj upravi, za osobu za čije zapošljavanje su mu odobrena sredstva po ovom Programu.

## **VII – Trajanje javnog poziva i podnošenje prijava**

Javni poziv ostaje otvoren do utroška raspoloživih sredstava u Budžetu za 2019. godinu na poziciji: Grant za aktivnu politiku zapošljavanja, a najduže do 20.12.2019. godine.

Prijave na Javni poziv sa pratećom dokumentacijom dostavljaju se u zatvorenoj kovrti putem Centra za pružanje usluga građanima (Šalter sala Grada Tuzla) ili poštom na adresu:

### **GRAD TUZLA**

**Služba za ekonomski razvoj, poduzetništvo i poljoprivredu**  
**Ul. ZAVNOBIH-a broj 11, 75000 Tuzla, Bosna i Hercegovina**  
sa naznakom:

**Prijava na Javni poziv za učešće u Programu utroška sredstava iz Budžeta Grada Tuzla namjenjenih za novčanu podršku privrednim subjektima koji upošljavaju osobe iz ranjivih kategorija u 2019. godini**

**Nepotpune i neblagovremene prijave neće se uzeti u razmatranje.**

Sve dodatne informacije o načinu i postupku učešća u Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzla, direktno ili putem telefona: 035/307-380.